

# D'Ogni Culore

Sò centu milla stelle  
Lucenu tant'è più  
Sì l'anima surella  
A più bella si tù

E nostre voce s'anu 'a pisà  
I nostri cori s'anu 'a truvà  
Duve u sognu ci purterà  
Eo cun tè ci vogliu andà  
Lalalala

Al di là di issu mare  
Vulemu suminà  
Sperenze marinare  
È soli à u pisà

Un versu solu ribumberà  
Cume una fola d'umanità  
Corre u fiume, u tempu và  
L'amore ellu ùn si pò parà !  
Lalalala

Ultima nutizia. Ch'ella si sparghji a vuciata !  
U ministeru di a felicità  
Pruchjama ch'elli seranu i ghjorni à vene  
Sottu à u segnu di a fratellanza è di l'amore

Apri u to core  
Dammi la manu  
Di chì colore l'amore serà ?  
Apri u to core  
Dammi la manu  
D'ogni culore l'amore serà !